



Damonda da baghegiar

Nr. 152/2022

Datum da publicaziun: 30-12-2022
Patrun: Cathomas Martin, 7173 Surrein
Liug e parcelas: Sumvitg-Clavadi; 6014
Object: midada d'intent da diever agricol tier buca diever agricol

Nr. 153/2022

Datum da publicaziun: 30-12-2022
Patrun: Beffa Remo e Gamma Gerold, 7175 Sumvitg
Representant: Tarcisi Maissen SA, 7166 Trun
Liug e parcella: Sumvitg-Laits; 4100
Object: construcziun d'ina casa d'ina famiglia

Nr. 154/2022

Datum da publicaziun: 30-12-2022
Patrun: Vischnaunca Sumvitg, 7175 Sumvitg
Representant: Biro d'inschignier Deplazes, 7173 Surrein
Liug e parcella: Cumpadials-Via Vitg; 3158
Object: construcziun centrala per ovra hydraulica

Nr. 155/2022

Datum da publicaziun: 30-12-2022
Patrun: Russi-Bearth Silvana e Ludwig, 9450 Altstätten
Representant: Spacial design GmbH, 7166 Trun
Liug e parcella: Rabijs-Via Caho; 59
Object: construcziun d'ina casa d'ina famiglia

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Dils plans sa vegnir priu investa sin canzlia communal durant las uras da spurtegl.

Sumvitg, 30-12-2022

Cumissiun da baghegiar

Protocol dalla radunonza communal dils 15-12-2022

Naven dils 30-12-2022 ei il protocol dalla radunonza communal dils 15-12-2022 exponius public en scaffa avon la canzlia communal e sin la pagina d'internet www.sumvitg.ch duront 30 dis.

Il protocol sa plinavon vegnir retratgs dalla canzlia communal duront las uras da spurtegl. L'administraziun communal porscha plinavon in abbonament en fuorma da pupi. Ils cuosts da porto da frs. 2.50 per protocol vegnan tschentai a quen als abbonents. Convischinas e convischins che han interess d'in tal abbonament ein supplicai da s'annunziar tier l'administraziun communal.

Protestas encunter il protocol san tenor art. 11 dalla lescha da vischnauncas dil cantun Grischun vegnir inoltradas duront il temps d'exposiziun tier la suprastonza communal.

Sumvitg, 30-12-2022

Administraziun communal

Administraziun communal / Comunicaziun

Preavis

L'administraziun communal resta serrada sur las fiastas da Nadal e Daniev sco suonda:

- **naven da venderdis, ils 23-12-2022, allas 17.00,**
entochen mardis, ils 27-12-2022 allas 8.00
- **naven da venderdis, ils 30-12-2022 allas 17.00,**
entochen mardis, ils 3-1-2023 allas 8.00

Nus engraziein per la buna collaboraziun, giavischein benedidas fiastas da Nadal ed in bien niev onn.

Sumvitg, 30-12-2022

Administraziun communal

Sentupada da Silvester – comunablamein egl onn niev

La suprastonza communal envida Vus cordialmein, preziasas convischinas, preziai convischins e preziai hosps ad in aperitiv da Silvester. Comunablamein vulein nus entrar egl onn niev 2023. Igl aperitiv ha liug **da Silvester** allas 23.30 uras sin plaz Cadruvi a Sumvitg. La suprastonza communal selegra da beneventar Vus e giavischa gia uss ina buna ruschnada egl onn niev.

Sumvitg, 30-12-2022

Suprastonza communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 30-12-2022

Departament traffic

Cuors da cuorsa liunga per in e scadin a Breil

Dumengia, ils 15 da schaner 2023

Era quest unviern menein atras igl usitau di da cuorsaliunga.

Mira sut Breil/Brigels!

Cantar dils Retgs 2023

Suenter ina pausa da 2 onns semettan ils retgs e las reginas dalla 5. e 6. classa dalla scola a Rabius sin via per visitar ils habitonts dalla vischnaunca da Sumvitg. Els speran d'astgar legrar biars cun lur visetas e cant. Lur tur entscheiva mintgamai allas 17:00.

Sonda, ils 7 da schaner 2023

- gruppa 1: Rabius sut via principala, Gir tochen il Mini-Consum, Caduff e Cumadé
- gruppa 2: Sumvitg sut via principala ed allas 19.00 durant la messa
- gruppa 3: Cumpadials ella casa Sogn Giusep ed el vitg da Cumpadials caplutta da Laus, caplutta da Clavadi, caplutta da Sogn Benedetg.

Dumengia, ils 8 da schaner 2023

- gruppa 1: Rabius sur via - via Cavivens, via Catat, via Fravia, Chistrisch, Cahó
- gruppa 2: Sumvitg sur via principala
- gruppa 3: Surrein

Ils retgs e las reginas contan era durant ils survetschs divins sco suonda:

sonda sera

- allas 16.30 en casa sogn Giusep a Cumpadials
- allas 19.00 en baselgia a Sumvitg

dumengia

- allas 09.15 en baselgia a Rabius
- allas 10.30 en baselgia a Surrein

Ina gronda part dil recav va en favur dil project 2023 dalla Missio «affons segidan cun affons ell'Indonesia».

Dieus paghi per vies sustegn.